

尺岡草堂遺集

尺岡草堂遺詩卷五目錄

戊午北行留別諸好

中宿峽山寺

綜碧軒

上瀧

韓瀧謁文公廟

湘舟夜起

過湖

渡江

漢口

望武昌

洞庭玩月寄內

中州道中

朱仙鎮懷古

汝甯遇雨一路積窪汴梁過河至開州尤甚

荏平旅舍示同行諸子

過高唐

出都別少伯

渡滹沱

竟日風沙車行甚緩月出始抵旅舍

渡河歎

車中謠

漢皋別劉燕卿

重過岳州登岳陽樓

長沙謁賀丹麓師桂齡已捐館舍三月矣

與劉荔壇大令承緣話別

瀏陽江夜泊

贛州謁五忠祠

早發

馮子良郡丞詢以詩集見示因題

將赴安福卽事述懷

閱城偶作

馮子良太守以詩來訊次韻奉答

縣齋卽事

澗水涓涓爲桔槔所引慨然成詠

南安被寇粵中誤傳安邑亦陷余殉難死伍湘卿  
得余書始知無恙寄訊近况作此報之

春初巡行村落慨然有作

次方曉莊見贈韻

由舟湖至金田村省耕道中遇雨卽事

催科二首

張星勑以燭影塔影詩屬和次韻

奉檄入闈臨行別幕中諸子

闈中分校四首

題李直齋大令

寅清

看劍引杯小照

和方曉莊書記

尺岡草堂遺詩卷五目錄終

尺岡草堂遺詩卷之五

番禺陳璞著

戊午北行留別諸好

歸里喘方定胡爲又遠行  
乾坤有兵氣道路更風聲  
堂上髮垂白閨中病未輕  
毅然一揮手此意苦難明  
豈不戀桑梓其如閉戶難  
拂衣辭粵徼索米向長安  
爲養無三畝治生藉一官  
飛騰亦吾願無具憂素餐  
父老厚期許寒宗一第艱  
贈言惟努力受餽每慚顏  
躑村邊樹低徊溪上山  
橋頭向西路執手涕泱泱  
羊城逢喪亂知舊不相聞  
把酒向何處臨風遙別君



三得見者爲我語同羣他日春明路還來躡碧雲

中宿峽山寺

重來已是八年後過此都緣萬里行沙岸  
檣船如昨日雲厓飛瀑作秋聲荒涼古殿猶存佛  
愿寂深山也被兵偶值老僧談往劫

寺自甲寅後  
屢經寇亂

愁將近事問佗城

淙碧軒

穿林出石磴來謁二禺君絕壁瀉寒雪虛亭棲古雲  
煙嵐萬片積風雨四山聞欲問歸猿洞高厓已夕曛

上隴

一縉上嶄巖萬雷門船底中流不受篙噴射激飛矢榜

人作鳧浮舁舟緣石趾舟石兩磨齧石爲鈍其齒三時  
上一瀧九瀧數日矣昔我下瀧歸疾若飛鳥駛下易上  
則難胡爲復來此險艱詎宜犯春撞不容已羊城去年  
冬攢礮樓堞圯海氛何時滅腥膻穢城市雜還不可居  
顛沛別鄉里此瀧視故都坦坦平如砥

韓瀧謁文公廟

日日牽船沂急湍維篙明外始無灘

瀧爲九瀧之一  
北上至此盡矣

篇瀧吏窮途感九疊驚波上水難廟貌至今懸北斗炎  
陬正待挽狂瀾鱷魚此日驕橫甚海國何人與奠安

湘舟夜起

月墮水光澹江澄夜色涼壯心下衡岳歸夢落蕭湘湖  
近波流漫天遙客路長此閒兵氣靖安穩駐帆檣

過湖

黃陵廟外波連天千帆競向南風懸中途巨浪作山湧  
趨泊小汊不敢前孤舟獨出狎溟渤魚龍拜舞鼉鼉鞭  
森瀾四顧浩無岸似坐天漢浮青蓮我從嶺嶠萬壑下  
截岌人面生雲煙忽然千頃盪一碧胸中巉愕不如瓊  
全吞八九不芥蒂豪概干古人爭傳君山一點詎空礙  
尚欲剗去真詩仙吾才何敢望作者虛夸却擬誓前賢  
乾坤萬古浮日月摹寫雄渾非雕鐫視茲氣象想鉅麗

少陵大筆誠如椽，朗吟未終忽飛過。岳陽樓下呼穢船，回首中流沒白日。湯池下控金城堅，似此天險竟坐失。舟人莫更談當年，

王子賊寇岳州官軍棄城走

### 渡江

萬頃鞞紋盪碧陰，巴陵直下大江深。迷漫煙水無雲夢，南北檣帆自古今。英武洲邊空激宕，鳳凰臺上尙氛祲。夜闌謾作租船詠，東去須爲擊楫吟。

### 漢口

風帆葉葉下晴川，日落行人盡繫船。大別山形微見影，漢陽樹色晚含煙。蕭條廛閭收餘燼，太息兵戈近十年。

萬戶炊煙猶未復琵琶何處響冰絃

而肆初復已有妓寮

### 望武昌

古來爭戰地三面俯波光城勢雄荆楚江聲共漢陽精  
勤陶侃甕高曠庾公床黃鶴樓俱杳何年古蹟荒

黃鶴樓前

燬於寇

### 洞庭玩月寄內

故園長對珠江月無此煙波闊渺漫湖氣上蒸星斗濕  
夜光平盪水天寬酌吟疑有仙飛過起舞誰憐客影寒  
料得香閨不知路此時祇解憶長安

### 中州道中

傍路人家禾草蓬繞門萬縷綠楊風村翁樹底鋪長簞  
臥看車行赤日中

遠樹低連陌路長驚沙黃似陣雲黃朱仙戰後無雄戰  
落日驅車過大梁

朱仙鎮懷古

風卷車塵似陣雲行人猶說昔年勲黃龍痛飲原豪語  
白雁興謠卒後聞天意已成南渡局中原空盼岳家軍  
議和未必全非策却壞長城何所云

汝甯遇雨一路積窪汴梁過河至開州尤甚

涼來雨後熱雲收却苦交衢積潦流馬足凌兢妨暗淖

車箱插兀似扁舟，決河禦寇殊非計。倚沐爲京亦下游，處處低漙愁漲沒。誰人溝洫議中州。

莊平旅舍示同行諸子

萬斛征塵撲袂黃，又來河朔控游韁。南州消息久無有，東海傳聞半不詳。路聞天津有警外侮憑陵臣甫憤，譏時激切次公狂。引杯逆旅無人識，聊對吾徒一慨慷。

過高唐

路入高唐憶舊塵，一車仍是走踈踈。可曾歌板能娛客，但有郵亭解笑人。原野蕭條歸浩劫，甲寅州城爲賊踞江湖浩淼少閒身。炎風朔雪殊今昔，搔首關河八載新。

出都別少伯

少伯試京兆  
報罷酬京

京華同作客我去汝仍留且試天山雪還期桂樹秋懷  
哉此離別慎矣在交遊他日廬陵水歸途遲繫舟

燕臺市駿地而亦有緇塵况當家萬里尤重客申身志  
業千秋在聲華一日新春風如得意早慰倚閭人

渡滹沱

六年兩渡滹沱水昔值春殘今雪初同是南行不歸里  
何因西笑此驅車白沙漲落河橋矮黃葉風乾岸柳疎  
歎息艱難惟一飯蕪蕪亭上立踟躇

竟日風沙車行甚緩月出始抵旅舍



莽莽驚沙白日昏  
荒寒樹朔風翻受塵  
客面無人色  
壓轡騾肩有血痕  
輪鐵漸消磨壯志  
鞭絲不定裊勞魂  
蒼茫晚渡清漳水  
月照荒村覓店門

渡河歎

顛風刮野天昏昏  
黃霧四塞飛砂打  
人臨河欲渡不知  
河津馬足不能舉  
車箱隨掀翻迴車  
堤上投孤村三更  
風歇月明如雪渡  
河渡河驅車復出  
河干有戰馬千蹄  
赴皖北軍符急如  
火有舟不敢渡行  
客行客且徘徊徘  
徊日墮水寒月又  
上不見舟子四更  
月斜舟來招車登  
舟舟不發仍泊河  
邊沙舟子入艙臥  
行客空怒譁渡河

吁何難河廣五里寬兩日不得渡謾謾竟夜河風寒嗟  
爾行客渡河何所爲河流萬古亘南北爾家本在南天  
陲嗟爾行客南北數千里爾渡河何所爲

車中謠

出車出車車廣二尺深四尺有餘客居其中其外僕夫  
百里千里客以車爲家

馬銜其蹏輪銜其廓麟麟得得銜日以薄

惡僕欺主旅舍欺客土飯塵羹取值錢數百

窮冬苦雪秋風苦塵炎夏苦熱喜得雨而泥淖沒輪

晨出見月夜入見月路聞劫掠野曠心怯

泥路輪陷石路軸折驅之驅之慎視覆轍

行路難行路難車中之客勿愁歎道旁有徒步千里百  
里行蹒跚

漢皋別劉燕卿

千里隨車又並舟客途分袂各悠悠折要我去慚彭澤  
掉臂君歸比少游河北野風將作雪漢南柳色未辭秋  
何時重把論文酒共對寒燈憶舵樓

重過岳州登岳陽樓

寒雨連江黯不開片帆仍拂楚天來烟昏日暝樓初上  
水落沙高客始回城勢險依危岸出湖光凝作溼雲堆

憑軒莫向關山望且共飛仙一舉杯

長沙謁賀丹麓師桂齡已捐館舍三月矣

自乞明湖謝組歸

師於甲寅由粵罷官

十年師弟見時稀門邊雪

跡前踪在

五月過謁時師精力尚健

海上琴聲再到非雨暗江城殘

葉下水寒沙渚野鷗飛挂帆恨與湘波遠客路蒼茫淚滿衣

與劉荔壇大令承緣話別

京華行萬里南北往來同象郡君今去洪都我亦東長沙一爲別滄海兩孤篷咫尺鄉園路相看各夢中

瀏陽江夜泊

古木荒江路未經維篙斷岸雨冥冥同行舊侶搏沙散  
水落寒灘獨夜聽

贛州謁五忠祠

五忠明末楊閣部廷麟萬部院元吉姚侍御奇  
允黎職方遂球龔主事芬俱援贛州死難者也

金陵瓦解更堪歎嶺北惟餘此彈丸透爪握拳吾事了

殘山賸水共支難戈船失利成孤注

羅明受水師敗  
沒外援遂絕 俎

豆褒忠合一壇巷戰當時何處所城中碧血未應乾

早發

荒流不盈尺晨發忽蒼茫水氣寒成霧溪毛夜著霜客

程迷楚澤古縣問瀏陽已苦舟車久猶聞前路長

馮子良郡丞

詢

以詩集見示因題

粵臺風雅推尊宿吟徧章江又廿年格老不分唐宋限  
才雄欲駕杜韓前近多王粲從軍作大有春陵示吏篇  
此在先生餘事耳

先生歷宰江  
右口碑載道

千秋已足壓羣賢

將赴安福卽事述懷

章門歲暮客聽鼓初應官朝謁長吏出暮與廉從還軟  
美非所習趨蹌亦未嫻惟以慙直性厠之濟濟班上官  
忽汝顧謂汝來田間問年合強仕精力汝不孱安成旣  
選汝地宜拔榛菅

安福前歲  
甫經收復

汝其往綰符治事毋顛預

同官或驚詫疑當有所干世道多頗僻人事喜援拔卽  
有履康莊亦妄測其端奉檄春具舟風鶴傳梅關旋聞  
南安陷積骸若邱山知好勸勿行從者亦盤桓有謂義  
不可食焉避其難相距况尙遠遄往守易完躑躅尙猶  
豫威弧未及彎城郭踞豺虎烝黎重凋殘此土已屬子  
不死徒報顏斯言實相貺意愜無欺謾以茲決孤往解  
維出前灣揮手謝送者風帆如飛翰

閩城偶作

灑灑澄江繞郭長重重山翠壓城墻名沿安復開隨邑  
舊屬長沙識漢疆俗近古風還儉樸地餘兵氣尙荒涼

縣經三次被陷  
城中半皆瓦礫  
千家漸喜流亡復  
撫字先教祝歲穰

馮子良太守以詩來訊次韻奉答

四郊烽燧幸無驚  
卻苦催科日出行

縣中完糧必俟縣官親臨久成習徑

尙未去兵須食足  
更無善政只刑輕

余施杖人有議太輕者

書生

難有容容福循吏  
毋求赫赫名  
我本田閒甫來者  
寸心未敢忘平生

縣齋卽事

五首

無端辭隴畝竊祿向山陬  
亂久烝勑盡才迂僕從愁  
枯棹難自逸鞭撻我何求  
日聽城頭角吹殘故壘秋

轉漕舟行斷仍難缺  
正供敢爲寬責負  
甘被誚疎慵職



愧兼治賦功宜早課農幸邀春雨足襖襪出相從

古惟求召杜今喜用然桑軍食籌何亟民勞重亦傷客

休誇策畫

時有進征商之計者

地未復流亡試覓市廛處風搖野

蔓長

烽燧東南遍空裁感事詩壁閒雙劍吼榻畔一琴隨搔

首驚華髮何年戮赤眉衡陽聞又急夜過楚西師

劉副將芳

貴赴援寶慶取道安邑

深夜衙齋寂疎櫺月色寒殘燈對公牘伏枕夢漁竿秋

水烟波遠雲山紫翠盤迷離不知處但作故園看

澗水涓涓爲桔槔所引慨然成詠

桔槔粟鹿澗泉隨半入平田半入池及物恐難如雨徧  
雖清爭似在山時助惟涓滴終何濟決任東西不自知  
漫欲息機歸巨壑前村千畝待耘菑

南安被寇粵中誤傳安邑亦陷余殉難死伍湘卿  
得余書始知無恙寄訊近况作此報之

據城陷邑近尋常風鶴傳訛驚故鄉路梗輒疑真信息  
交深轉未決存亡知無武略支強寇或有忠魂附國殤  
不意殘黎天憫惜腐儒留與課耕桑

春初巡行村落慨然有作

烟村繫馬柳新栽淺碧初縈春乍回勞來日求民漸聚

追呼難免吏重來飛符正急三軍饑治賦慚非百里才  
且逐陽城書下考讓人游刃各恢恢

次方曉莊見贈韻

黃鵠與征雁同因覓食飛萍蓬相遇乍城郭再來非辛亥

計偕道經章江時壯志消纔宦家山近不歸吉郡去粵最近何

如故巢鶯

昨得故園諸子書

寂寞耐朝飢

由舟湖至金田村省耕道中遇雨卽事

重嵐拂岸山雲低綠光潑眼新秧齊濛濛雨氣暗村樹  
澗橋乍轉迷東西松坡十里灑煙翠亂打車檐野花落  
欲尋襖襪荷鋤人先有鳴鳩喚早春僕夫勿嫌衣履溼

戶家何有無蓑笠春濃如許休徘徊傳呼經過蓬戶開  
婦穉出看相顧笑縣官何肯雨中來

催科二首

晝暑行畏熱日落乃出城橋暗輿夫愁騶呼村犬驚林  
均忽吐月照見山路平連畦早禾刈接屋打稻聲今歲  
未云豐亦謂七八成曷不早輸將而俟官親行親行敢  
辭勞十呼九不應道多急難完民頑能勿懲將思事鞭  
朴此地久苦兵

天下治亂源其樞在邑長邑長能卹民民歸賊安往大  
地尙創痍窮櫛氣悽愴流亡半未復符檄急軍餉緩之

多逋負促之或頑獷卹民亦大難我愧日鞅掌人言不  
催科何以完國帑我思不勤民我職已先曠且勿事追  
呼惟與判直枉

張星勳以燭影塔影詩屬和次韻

金蓮無復想清華脩史如椽願亦賒長伴雞窗時見跋  
偶驚蝶夢爲看花紅搖酒氣浮青甕暗隔爐烟篆碧紗  
我但埋頭對公牘每愁目眩莫輕遮

燭影

疑幻疑真理儘奇層層倒射碧琉璃圓通萬變渾無礙  
卓立千尋本不移鈴語乍聞徒索解旛風誰動我何知  
天龍一指憑參領現宰官身悟已遲

塔影

奉檄入闈臨行別幕中諸子

案牘埋頭倏半年此行暫息牧芻肩量才敢謂能持鑿  
文戰何妨效執鞭別路冷風催別騎歸期飛雪撲歸船  
本年鄉試改十月事竣返縣當近臘矣書生事業今還我重與臨歧一  
然

闈中分校四首

秋渥一月桂香飄瑣院森嚴夜寂寥寰海 帝恩方徧  
及章門兵氣正全銷旌旗盡易文壇幟毛羽來填碧漢  
橋冰鑑玉衡懸上座主試晏趙二公不愁爨下有琴焦

西江文派昔相推豈少珊瑚入網來人物兩科同際會

本年

恩科

詩書六載起蒿萊

江右被兵自咸豐三年至今十二寒暑矣

連

城只以無瑕寶就地仍求有用才萬輩處囊誰末見三  
条燭盡莫遲回

花樣新翻每共趨人人自擅握蛇珠元輕白俗譏彈易

虛後王前位次殊一判升沈成闊絕最難高下較鎔銖

衡文心比成文苦長惜微瑕白壁汗

近科磨勘甚細卷有微疵輒不敢薦

團團霜月映簾櫳竟夕涼搖燭影紅倦眼重揩看劍氣

初心猶耿憶簷風由來說士甘於肉應有文光吐似虹

騏驎駑駘原自別幸從伯樂馬羣空

題李直齋大令

寅清

看劍引杯小照

寶匣吟虬龍壯士起長喙鉛刀貴一割况乃干將器當  
其殺賊日拚向沙場醉手提血髑髏拔戟獨成隊莞爾  
持牛刀轉於小鮮試鳴琴君優爲酌水夙所勵惟茲萬  
夫雄收斂作循吏微時故物在拂拭生感寔舉酒聊自  
酌澆此鬱勃意今更偃武功相與事文事胷中萬卷撐  
豈止鈴畧祕翹首天宇高早識豐城氣

同在闈中分校

和方曉莊書記

高吟寫襟抱風格比陰何老樹空偃蹇孤雲感蹉跎舉  
頭天自闊照鬢雪侵梳今歲又垂盡疇能廢嘯歌

獨傾不得醉相和始成詩宦學元漫叟幕留韓退之世



途宜釋負山色足支頤此志君所許來春毋乃遲

尺岡草堂遺詩卷五終

男衍緒校字

尺岡草堂遺詩卷六目錄

壬戌初春得村南廢圃築堂其中環以竹木署曰  
息園以詩落成之

潘蘭坪過宿夜話

家景儀出示言志詩并屬畫泉石

寄懷何岳緣

家冲翁移梅二株種息園因以憶梅詩見示次韻

謝之

颺風歎

霍履初以帶月荷鋤圖屬題偶有所感成三絕句

杏莊訪鄧蔭泉未遇越日蔭翁過談感賦

題倪少尉雲衢珠海夜游圖

七夕詠古五首

百子池 九華殿 披香閣 層城觀

長生殿

贈呂拔湖學博

洪

李雲巢寄示詩集奉題

題戴尺珊畫寒蟬秋柳便面

次韻朗山十四夜步月之作

次韻張少白少尹見贈

次韻潘蘭枰并題所著醫案

招邃樓以詩索畫謬承推獎次韻答之

癸亥冬日學海堂重修落成同周秩卿大令譚玉生陳蘭甫李夢畦陳朗山四學博李恢垣員外金芭堂孝廉對酒余爲圖題詩其上諸君皆有作

題家八桂畫鶴舒臺松

題徐鏡孫先生畫梅

東江卽事

甲子東江度歲

惠州謁蘇文忠公祠

于役佛山舟中感作寄省垣同事

攜于伯龍司馬沆詩集旅次讀之因題

卽事有作

郭中丞內召瀕行招集海山仙館話別

遣長女適伊氏

丁卯臘月少伯弟以恢垣詩招余新歲歸里春酌

次韻謝之

黎召民觀察蔣吉雲編修招游花埭潘園送家麗

秋太史同年北行

次朗山將行留別韻

題崔侶樵耕讀圖

篆窩覓句圖爲梁星堂畫并題

題崔山存游梧諸作

朗山赴通州五年矣瀕行時同人集山堂爲作山  
堂話別圖去歲始歸今又將赴閩仍持此圖索  
詩爲賦絕句送之

三月偶歸息園招集蔣湘璵龐春浦戴則之家情  
田午橋置酒次湘璵韻

浴佛日壽伍湘卿

老儒和朗山

三元道院雅集和朗山

空山鼓琴圖

尺岡草堂遺詩卷六目錄終

尺岡草堂遺詩卷之六

番禺陳璞著

壬戌初春得村南廢圃築堂其中環以竹木署曰  
息園以詩落成之

卅載浮家逐處遷不歸豈獨爲無田蝸廬新築能容膝  
馬磨勞生便息肩脩竹預成棲志地

牆外舊有竹林

青山應記

去鄉年臥聞窗畔風枝動猶認江湖夜雨船

無心雲本在深山偶被風吹出總還車馬不喧斯世外  
市朝可隱况田間閉門種菜完吾事汲水澆花聽僕閒  
最是夕陽明處好相看不厭有煙鬟

園左爲浮鍊山



潘蘭坪過宿夜話

半生辭故園故人亦契闊今夕故人來共坐故園月故  
園山色佳幽曠勝城闕草堂初結茅花木種新活故人  
襟抱清夙慧証禪悅翛然靜相對可以慰饑渴月照故  
園樹清光鑑臺髮人生相聚難此境豈倉卒作詩示故  
人笑我未能達

家景儀出示志詩并屬畫泉石

出則稱用世利祿豈其徒不出便稱隱隴畝多農夫高  
人抱幽獨中具匡時謨或以時會違遯跡邱林區雖作  
耕牧偶自與漁樵殊吾家鄭子真絳綬世所紆封胡及

羯末濟濟拾紫朱君仕夫豈難乃臥菩山隅閉門謝時  
輩抗懷游黃虞世人不能測擬之山澤癯言志冰雪句  
乞畫泉石圖讀之驚且歎爲傲雲林迂我近亦欲息青  
山其許吾

寄懷何岳綠

萬疊青山一草廬卅年山下閉門居檐前月勸忘懷酒  
床上風披卻病書聞近攻醫學時逐野雲移步遠偶逢林叟  
劇談餘故人今亦江鄉老笱箸隨身學打魚

家冲翁移梅二株種息園因以憶梅詩見示次韻  
謝之

乍來疑笑復疑嗔，知是瑤臺謫下人。  
何事東君偏割愛，爲憐北苑不多春。  
倚闌種恰雙肩竝，帶雨移勞健步頻。  
正好晚寒天欲雪，十千沽酒莫辭貧。

古句

數枝斜影玉橫陳，紙帳蘆簾意倍親。  
別似未忘應帶恨，情緣初定自凝神。  
垂垂楊郡江邊樹，嬾嬾羅浮月下人。  
敢與凡花同位置，芳蘭九畹始爲鄰。

### 颶風歎

同治元年七月朔，白日昏霾颶風作。  
洪波倒立掀滄溟，磐石橫飛走山岳。  
十圍大木空際旋，萬斛江船隴頭擱。  
我築草堂依村邊，三重茆早隨雲烟。  
垣籬一掃若振籜。

樑柱亂舞如揮鞭居人驚作鳥獸窟堂坳欲化龍蛇淵  
圖書花竹更何有臥避窟室猶悁悁自辰達未風始息  
滿村聚語聞唧唧西鄰媪哭子不歸東家叟歎屋無壁  
早禾接畛全推殘浮尸海岸相枕藉三百餘里同被災  
區區我堂那敢惜嶺南颶風昔恆有此日幾疑絕地紐  
避風遽欲築銅牆防水翻難據高阜且今編竹扶踈籬  
暫與牽蘿遮破牖微颶乍動懼復來惴惴驚弓到秋九  
時訛言八月颶風復作關心過訛耕田夫來月颶風還有無答言  
有無君勿問吾牛溺死田半蕪君不見前月已賣婦襦  
完官租昨夜縣符又下催軍需縱無颶風吾其蘇我吟

此語嘿然退堂下姑曝漂殘書

霍履初以帶月荷鋤圖屬題偶有所感成三絕句  
十畝閑閑田父歌荷鋤歸去月明多清光莫向西江照  
尙有征人夜枕戈

海邊東陌亂西阡得失蟲雞數十年欲把鋤犁安隴畝  
且從山下刷硤田

日從山下刷硤田歸脫蓑衣抱月眠隔海人家多沃壤  
打門時有吏催錢

杏莊訪鄧蔭泉未遇越日蔭翁過談感賦

長眉道人骨清癯賣藥市上高懸壺鷺潭之濱置丹竈

環以花竹深翳如嶺南無杏獨此有好事驚異門屢呼  
道人性最愛風雅花間醉客皆吾徒珠海老漁粵嶽子  
或詩或畫同嬉娛我亦獲隨杖履集春秋佳日常相於  
邇來無端墮塵土南北僕僕勞饑驅素衣化緇緇卻素  
攬轡驚此髮與鬚歸來老成半凋謝過此已似黃公壚  
道人八十獨健在蒼翠百尺喬松株今春扁舟偶斂戶  
竹木無恙杏正尊童言道人采藥去殷勤進茗猶識吾  
徘徊小坐憶諸老風流文采今似無昨承道人枉我廬  
話舊不覺生感吁十年事往風振槁當歌對酒真良圖  
道人大笑自應爾誰令子向塵中趨自今勿更櫻世網

來我與子傾醞醕

題倪少尉雲衢珠海夜遊圖

畫船櫛比橫江波玉簫銀燭金叵羅豔謳一曲朱顏酡  
得月臺前明月多水底無端舞蛟黿礮聲驚破鶯花國  
空江渺渺生層雲幾株烟樹都黃落我亦當年載酒來  
今看一卷圖畫開認得舊時珠海月不堪買權重持杯  
七夕詠古五首

百子池

一水盈盈百子池宮中行樂少人知新聲夜試于闐曲  
良會歡牽織女絲相愛相憐纔爾汝楚歌楚舞轉淒其

阿誰猶憶當時寵只有飄零舊侍兒

九華殿

銀燈璀璨玉屏開鳳鳥鸞車雜還來早有靈禽翔絳樹  
不勞駿馭到瑤臺金莖露冷相如渴瓊島風高五利迴  
三食冰桃飢欲死可能都不是仙才

披香閣

太液池西日尚暄曝衣開閣趁朝嗽弋綈已改先朝儉  
春錦新承特賜恩誰分齊紈捐故篋獨憐楚組閉長門  
綺羅易逐君心換爭似民間擯鼻禪

層城觀



商飈館裏迓新涼轉令宮中乞巧忙揚腕避人窺蜥蜴  
慧心從汝看鴛鴦層樓特爲穿鍼起秋日應緣刺繡長  
何事景陽鐘動早不催刀尺只催妝

長生殿

天上人間共此情今生未卜卜他生纏綿密訂同心結  
珍重私要齧臂盟銀漢本無風浪起霓裳何意鼓鼙驚  
可憐同是無人夜南內淒涼月倍明

贈呂拔湖學博

洪

千將埋地夜光赤崢嶸上燭高天碧年深化作空中雲  
空濛無復人能識畫舫明燈粲星列銀撥金箏春酒熱

躍馬冰天幾往來  
烹情歸付珠江月  
美人一笑迴清眸  
眼花耳熱忘白頭  
狂呼傲睨雜訾笑  
肆志豈獨輕王侯  
張雷不作那復顧  
故園一枕滄浪暮  
中原頌洞風塵昏  
我亦從君狎鷗鷺

李雲巢寄示詩集奉題

前輩日淪沒  
孤吟存此翁  
幽踪寄沙鳥  
清響答秋蟲  
格老律逾細  
感深情不窮  
故園問風雅  
吾訪水門東

水門村君

所居

題戴尺珊畫寒蟬秋柳便面

人海歸來臥晚煙  
柴門柳色入秋妍  
鶯歌蝶板無消息

尚  
有  
殘  
蟬  
送  
晝  
眠

次韻朗山十四夜步月之作

花枝移影上牕櫺，戶外霜華月滿庭。  
村釀膏騰還取醉，山謳嘲晰且教聽。  
閑憑草閣看寥廓，夢失瓊樓憶杳冥。  
海角此時憐遠客，孤吟竟夕獨爲醒。

朗山時館黃角村

次韻張少白少尹見贈

慷慨談兵杜牧之，墨磨盾鼻幾多時。

少尹曾佐軍幕

一官暫屈

喬公就百室同歌，叔度遲地僻江清。  
雉飲水天寒花放，又成詩故山我已雲歸岫。  
卧看鄉園樹雨滋。

次韻潘蘭坪并題所著醫案

北窗閒臥復南榮身外鴻毛萬事輕  
有術活人纔措意吟詩送老足  
平生囊中舊案編初就袖裏新詩卷  
已盈自笑休官期著述悠悠白首竟無成

招遂樓以詩索畫謬承推獎次韻答之

解衣盤薄任譏評西抹東塗浪得名  
蛇足添成供一笑虎頭癡絕証三生  
可堪石谷追前軼少時見耕烟散人小軸遂有志學畫

未易樵夫與繼聲世有以二樵山人相擬者愧甚卅載無成人欲老空

披白髮曝南榮

偶爾相譽未定評前身或有畫師名  
豆人寸馬知何用谷汲巖棲愧此生  
泛泛虛舟聊自遣丁丁伐木忽聞聲

吹來好語春風似披拂枯株也向榮

癸亥冬日學海棠重脩落成同周秩卿大令譚玉生陳蘭甫李夢畦陳朗山四學博李恢垣員外金芑堂孝廉對酒余爲圖題詩其上諸君皆有

作

山堂容易再躋攀人似驚鴉散復還意外登臨今日酒眼中蒼翠舊時山十年文字應銷劫百樹梅花未盡刪  
三見蓬萊水清淺蕭蕭休詫鬢毛斑

題家八桂畫鶴舒臺松

畢宏葦偃去已久蒼官眞面世無有八翁下筆雷雨垂

龐然如覩畸人姿平時揮灑數百紙盤拏崛強潛虬起  
白雲山上鶴舒臺安期化鶴時歸來勁枝老榦無人寫  
八翁七尺絹素開幽巖夜半鱗甲動天風萬壑笙竽送  
長留空谷老烟霞不爲人間作梁棟

題徐鍊孫先生畫梅

天荒地老海揚塵剩有幽香墨色新一自廣平爲作賦  
此花都屬鍊心人

冷蕊疎枝玉不如孤山只合伴幽居槎枒老榦橫冰雪  
醉臥沙場卻稱渠

東江卽事

夢裏猶驚浪打船歸帆纜卸未安眠如何又被風吹去  
幸是蘆花淺水邊

仕隱之閒寄亦安開門終日對層巒跡同委吏兼津吏  
卻累人呼作長官

人靜江空聞夜漁澄潭對岸釣人居不愁下酒無他物  
頓頓登盤石鮒魚

甲子東江度歲

頭顱如雪欲何成小住循州歲又更月落參橫猶有夢  
鶯飛草長已無情浪隨劉晏論緡算切盼江甯息甲兵  
迴岸一廬燈火冷鄉園西望暮雲平

惠州謁蘇文忠公祠

一峯獨立千巖上當日新居正落成  
便據湖山思北首

公新居上梁文有終焉之志語

那知風浪更南征飽餐美睡仍招忌說

鬼談禪只遣情昨向合江樓下過道人  
不記打鐘輕

髯仙遺蹟此城多城上空亭亦號坡  
得失捫心無蜀洛文章行地有江河  
能增到處山川色其柰當年放逐何  
日和陶詩漸平淡至今笠屐影婆娑

于役佛山舟中感作寄省垣同事

挂席煙波半日程東行不果又西行

中丞視師東江邀余偕往賊平而止

江風既順無嫌猛雨氣猶溫自解晴  
民力凋殘纔殄寇



軍儲急迫幸休兵書生迂拙無他策屢示能安慰此情  
海內頻年苦荷戈東南財賦付滄波大臣行法情原恕  
東寇甫平免捐四款能吏矜才政易苛出事公卿吾道在中無欣  
厭此心和孤蓬獨坐空江渺偶托清吟漫與多

攜于伯龍司馬沆詩集旅次讀之因題

塵閑如何着此身幸攜冰雪辟羈塵時聞鍊板銅琶壯  
又詫蘭苕翡翠新細雨燈前供下酒暮雲江上轉懷人  
懷君更有難忘處當日曾回黍谷春

君巡簡堯塘定自  
安集民至今思之

卽事有作

征商本在昔市法也宜更易括閭閻利難平駟僮爭謀

雖關 國計事亦繫民生當路豈無意慎哉其奉行

郭中丞內召瀕行招集海山仙館話別

荔子初丹荷正香得陪賓從過林塘釋將重負夫何憾  
計及蒼生未可忘此別當爲粵地惜此情真與粵江長  
辱公知愛恐阿好他日聽歌蔽芾棠

遣長女適伊氏

汝不爲男便事人豈能長此侍而親有姑當奉尊如母  
作婦須知道視臣壻亦劬書非俗士我雖薄宦本清貧  
嫁衣稍具聊相遣裘布荆釵始稱身

丁卯臘月少伯弟以恢垣詩招余新歲歸里春酌

次韻謝之

故園纔憶便神馳約到來春已覺遲  
咫尺煙波勞遠夢尋常事業誤歸期  
蠶絲自縛尙何說燕侶相招空費詩  
蹤跡年來堪怪笑不辭百罰倒深卮

黎召民觀察蔣吉雲編修招遊花埭潘園送家麗  
秋太史同年北行

驚駘七載謝飛鞚幽窗已作癡  
蠅凍珠海清遊跡復誰沽酒看花成  
往夢高涼故人玉堂彥久亦南歸臥雲巖  
龍身虎氣甯終藏詔書昨下催乘傳  
攬轡澄清氣激昂中原蒼赤延頸望  
羊城舊遊與握手看子干莫騰寒

芒瀕行且留數日住風景故鄉猶此處素馨芳埭香作  
堆荔子清灣紅滿樹斜日蒲荷池上亭晚鐘烟雨江邊  
路送君我亦逐輕舟此景此情能幾度迴舟雨氣從東  
來去帆萬里長風開凌烟不有好顏色安得羊裘老釣  
臺

次朗山將行留別韻

三月看花春未盡一生耽酒老猶狂久騰劍氣干牛斗  
尙待神風送馬當古井轆轤還自笑鹽車躑躅爲誰忙  
他年倘得秋風便莫待鱸魚始憶鄉

題崔侶樵耕讀圖

屋後一桁山。屋外半頃田。朝出把犁鋤。暮歸理簡編。此境豈易得。懷之三十年。今老已倦遊。仍爲人事牽。展轉不獲遂。豈亦命在天。抑固有所戀。蠶以繭自纏。子爲繪此圖。景物儼目前。何當返舊居。對此感逝川。

篆窩覓句圖爲梁星堂畫并題

星堂工篆刻。所居名篆窩。屬我爲之圖。又復徵詩歌。其地實城市。我圖乃山河。門前繞羣木。雲岫高嵯峨。要爲君寫心。着墨不敢多。山氣太古靜。此意夫如何。

題崔山存游梧諸作

年來踪跡鬱潯西。萬疊青山得遍題。餘技尙堪瘳世病。

此才那便老巖栖曾存俠骨心猶熱語入風懷韻轉淒  
莫遣閒愁付江水江頭聞有子規啼

朗山赴通州五年矣瀕行時同人集山堂爲作山  
堂話別圖去歲始歸今又將赴閩仍持此圖索  
詩爲賦絕句送之

五年燕薊甫歸來又向無諸訪古臺更展此圖重話別  
人生應別幾多回

三月偶歸息園招集蔣湘璵龐春浦戴則之家情  
田午橋置酒次湘璵韻

故里偶歸逢故人雜花生樹草堂春一樽同作清宵醉

十載相驚白髮新未遇文章方有價任真牛斗不能神  
浮名愧我空奔走明日征衣又拂塵

白鬚紅頰古心人邂逅招攜趁晚春明月更隨佳客到  
清樽還照落花新久知世論無臧否真覺高歌有鬼神  
老擁皋比君勿歎中原瀕洞尚風塵

浴佛日壽伍湘卿

釋迦成佛子生天五十光陰又五年早謝試場求樸學  
老居講席守遺編君三十卽不應試以授徒聚書爲樂功名可付兒能任  
令嗣用蘊有雋才能讀父書已補弟子員蠶織無休婦復賢一事人生更難  
得九旬慈母健如仙

少小論交視弟兄而今俱老不勝情  
兄年長弟有三歲弟髮白兄無一莖  
意氣銷除存質性神明強固澹浮榮  
同樽陡憶訶林會已似晨星感此生  
兩午浴佛日同歐陽君墀鄒特夫招水樵譚麗東集訶林壽君今惟君與璞在耳

### 老儒和朗山

豈是儒冠果誤身白頭尤比廣文貧  
蹉跎歲月成先輩浩蕩乾坤著此人  
北關上書爭用識名場試策喜翻新  
五陵衣馬多同學獨抱遺編岸葛巾

### 三元道院雅集和朗山

走俗奔塵愧老夫偶隨高會赴仙都  
羣賢畢至新吟侶



久客初歸舊酒徒

明翁自  
閩返

木葉秋聲答琴筑海天涼意

入樽壺座中不少龍眠筆

鄭紀常崔侶樵  
諸君皆擅人物

好寫西園雅

集圖

空山鼓琴圖

流泉淙淙漱山足落木蕭蕭滿空谷  
天沈寥雁叫雲涼露如珠滴叢竹  
高閣卷簾山月寒幽士抱琴竟夜彈  
自感秋聲譜秋意不論人世賞音難

尺岡草堂遺詩卷之六終

男衍昌校字